

廣德州志卷之六

附建平縣

風俗

節序附

先王省方設教陳詩觀風盖欲因俗爲治也古稱揚州之氣躁勁民性輕揚而尚鬼永嘉之後衣冠避難多萃江左文術蒸蒸盛焉廣德僻處南徼舊隸揚吳閱數千年不能不因時小變然士守高曾農服先疇太率循其故耳臚其土風以備張弛志風俗

漢地理志云民力于南畝不務商賈

廣德州志

卷之六

風俗

一

一統志云民淳事簡號江東道院

曾鞏志曰人性直而好義俗信巫而尚鬼君子業儒術而尚質朴小人崇節儉而力農桑婦女不出戶閤富貴不服羅綺女多溺死男長出分民喜迎神賽會大約吳楚之風今猶昔也

吉禮若納采納徵諸儀不遵家禮率以儀文繁麗相高男不親迎無奠雁之文其嫁女之家甚有破產以營奩飾者故民間生女多不舉雖厲禁不盡除也喪禮無定制稱有無以爲衡但崇尚浮圖相沿不改

焉

葬事惟信形家之說泥忌陰陽必求吉壟以希後福致有暴露其親不得受一杯之土者居人徃徃以此相爭相構故州之訟事惟墳山爲最多云

州人率行宗法族各立長設有祭田族長視族之窮老病疾婚喪無出者而助給焉其祀自高曾以上有至數十世之始祖者每春秋合享萃老稚于廟中而餽其餘又各有譜牒以稽統系

民間宴會不尚豐腆肴核數簋賓主給歡而已

廣德州志

卷之六

風俗

二

節序

立春 前一日城內各坊以金翠綉綺飭童兒效傳奇中佳事加板支棚帳集天壽寺以候贊廳點閱曰演春次日綵仗鼓吹各官至東郊演武廳導勾芒土牛入城曰迎春童叟雜沓競觀爲樂視土牛形色以占水旱高下宜種勾芒鞋帽以卜忙閒各官宴畢復作鮑老狻猊諸伎次日黎明鞭春如制元日 黎明長幼悉正衣冠拜神潔祀祖禰進拜尊長舉椒盤柏酒視歲吉所向拈香神廟曰蹈喜親

友交拜設屠蘇相餉

人日 以陰晴占祥祲或爲綵勝以邀吉

穀日 以陰晴卜歲之豐歉

上元 設燈綴以五綵張于衢鼓吹其下兒童射謎

爲嬉十六日城南竹馬高四丈許

春社日 祀社以祈有年

花朝 士女踏青

上巳日 士女臨溪浣濯效古修禊事

食 不禁烟惟於清明日掃先塋祭祖廟

廣德州志

卷之六

風俗

三

四月八日 羣寺院以香水浴佛設供家製青精飯

午日 裁艾虎朱符繫綵絲於臂爲長命縷角黍相

餉採菖蒲滲雄黃泛酒以避五毒

七夕 設瓜果於庭穿針乞巧日中曝書辟蠹

中元 祀先寺院設盂蘭盆會

中秋 月餅肴酒讌集

重九 祀祖禰於家廟採茱萸製蓬餌携酒登高

長至日 官民俱相慶以賀陽回

臘八日 百菓和米作粥

小除日 家祀灶神置細草蒸菽爲灶神芻馬

除日 仙木換符遍饗諸神男女坐而待漏曰守歲
夜爆竹驅祓禳氛

建平縣風俗同

廣德州志卷之六終

廣德州志

卷之六

風俗

四